

吳郡志卷十三

吳郡 范成大 撰

祠廟下

包山廟在吳縣西南一百里。

土山卜將軍廟在崑山縣頃於山下菜圃朱四

家得斷碑云唐卜府君墓府君諱真碑字雖

漫漶多闕文尚可辨然無將軍之號

三高祠在吳江縣垂虹橋南即王氏臞庵之雪

灘也昔堂在垂虹南圯極偏仄乾道三年縣

汲古閣 毛氏

令趙伯虛徙之雪灘三高者范蠡張翰陸龜

蒙也此祠人境俱勝名聞天下祝鑑三高記

神乎君子見幾而作不俟終日須之則後矣

是維成下不可久居亡道之人不可

與久處兵亂之世不可以苟仕知斯三者則

知幾矣遲之其殆危乎昔者越相范君既苦

身勦力與勾踐深謀踰二十年滅吳霸越用

復會稽之恥謂大功之下難以久居暨還返

國遽書謝王去之乘輕舟浮五湖莫知其所

終極而大夫種沈吟不時決卒用誅死厥後

宋刻虛

泛



人辟署無所從徵命無所答優游自終竟全
亂世如三先生可謂知幾君子哉雖地異時
殊默語不同然其去自全咸遂其高嫩均也
吳江邑地瀕帶具區舊有長橋橫絕江湖之
間脩檻浮空涵泳星日包山洞庭如在天外風
帆島樹滅沒煙際東西行者以爲三吳遊觀
之偉好事者又寫鷗夷子皮之像配以江東
步兵甫里先生立祠橋梁之上榜曰三高蓋
其平生所遊居也貞風素烈尚凜然湖山可
想聞而概見歲庚申秋七月朔吉括蒼祝鑑
與大梁人趙九齡置酒橋亭悲歌望遠舉觴
醜江慷慨言曰去危卽安夫而願之然皆
反焉者何哉知幾者鮮也雖非世同交如大
夫種功非不多也顧常侍材非不周也鹿門
子學非不揆也或死憂而辱何也居成也
亡道任亂世龜勉良去奈何乎識之卑也
幾遠矣惟鷗夷子道大宏百世師仰而張

吳郡卷十三

陸二子羸然山澤之臞像而配之幾不倫矣
豈不曰亟隱亟去身名俱全以是爲同曰三
高云者豈異稱哉後之君子苟寵祿之是耽
發機之禍忽忘不戒聞三高之風仰三高之
像庶少警乎不然涉斯流也登斯梁也其無
媿乎後將有悔乎其無悔乎始橋之置於慶
曆歲中建炎初載胡寇南牧并及祠宇火之
無餘後六年當紹興癸丑歲今吳郡楊君同
與今御史單父祝君龍爲邑尉蓋因其廢
址實荆而新之復立祠如故云謹記范成大
三高祠記乾道三年二月吳江縣新作三高
祠成三高者越上將軍姓范氏是爲鷗夷子
皮晉大司馬東曹掾姓張氏是爲甫里先生
唐贈右補闕陸氏是爲甫里先生三君生
不並世而鷗夷子皮又嘗一用先生國功大
名顯而去之季鷹魯望蕭然驪儒使有爲於
當年其所成就固不可踰度要皆以得道見
微脫屣天刑清風峻節相望於松江太湖之

上故天下同高之而吳江之人獨私得奉嘗
 以誇於四方若曰此吾東家丘云爾邑大夫
 趙伯虛以故祠偏陋將改作鄉老王份獻其
 地雪灘乃築堂其上告遷而奠焉且屬石
 湖范成大為之辭噫不有君子其能國乎今
 乃自放寂寞之濱掉頭而弗顧人又從而以
 為高此豈盛際之所願哉後之人高三君之
 風而跡其所以去為世道計者可以懼矣至
 於豪傑之士或肆志乎軒冕宴安留連卒悔
 之然後者亦將有感於斯堂而成大何足以述
 於然屈平既從彭咸而桂叢之賦猶招隱士
 疑若隱處林薄不死而仙况如三君蟬蛻溷
 濁得全於天者嘗試倚楹而望水光浮天雲
 日下上風飄煙蓬飄忽晦明意必往來其間
 成大亦何足以見之姑效小山作歌三章以
 招焉遂從而歌之曰若有人兮扁舟撫湖海
 兮遠遊眾芳媚兮高丘忽獨君兮扁舟撫湖海
 風積兮浪波白蕩搖空明兮南極一色鏡萬

吳郡卷十三

里兮鞭魚龍列星刻刻兮其下孤蓬眇顧懷
 兮斯路與涼月兮入滄浦戰爭蝸角兮昨夢
 一笑水雲得意兮垂虹兮去復來載歌曰若有人
 壽無期樂哉垂虹兮垂虹兮去復來載歌曰若有人
 兮橫大江秋風起兮歸故鄉鴻冥飛兮白鷗
 舞吳波鱗鱗兮吾之土膾脩鱸兮雪霏登菰蓴
 方美無度兮吾之土膾脩鱸兮雪霏登菰蓴
 兮美之水仙續兮胥命君可望兮不可追頰
 倒景兮揮碧寥娛燕息兮江之臯菜蘋堂兮
 庶杜若一杯之酒兮我為君酌又歌曰若有
 人兮北江之渚披雲而晞兮顧烟雨菊莎兮
 杞棘歲晚晚兮何以續君食仙五鼎兮腥腐
 羞三泉兮蒼石與語千秋風露兮歸來故墟月明
 兮下田一訪南溼兮鄰曲山川良是兮丘
 壠多稼九畹兮今其刈聊春容兮茲里是歲
 六月既望書遺邑人使習以侑祠伯虛請遂
 以為記程俱三高堂詩序蠡位越相祿萬鍾

行之間既与俗六字从宗校本增

文粹初豈

歸疑感文粹得

去之如涕唾則後世角毛銖之得冒坎獲而不省者可以少沮翰進退無必隨時而保身則出處之意得託菰鱸以示好又何深哉龜蒙江一匹夫然於其不合視執位無加也其交如皮日休終見汙於賊巢彼獨挺然玉峙無一釁可指擿與夫攫金挾炭之夫蓋萬萬矣夫左手據圖籍右刃掠其吭雖冥憊不為也揣是而求之輕重得矣然世固有抱利權逐勢位死不反顧為天下僂笑者幾何人哉其於輕重之思是又出冥憊者之下也然則是三子者祠而旌之固可以訓元符二年吳江既立三子者像明年三月甲子安于祠堂令與僚佐拜而奠之其謂俗奔競久矣冀得守道自重確乎不可拔足以風百里而驅天下者將矯浮俗而歸之庶幾清節之為貴無望之而未見抑有之而未聞邪今居是邑仰三子之志意其知時而退不迷於出處之道蓋君子之所悅聞也凡我同志其系之以

吳郡卷十三

四

詩李華鴟夷子皮贊龍蟠幽谷非時則伏蟬蛻高枝飲露而飛進如風行退若雲歸冥冥其幾赫赫其歸于粵霸興強吳蕩夷功成不居先生傳之蘇軾書三賢圖詩誰將射御教吳兒長笑申公為夏姬却遣姑蘇有麋鹿更憐夫子得西施右范蠡浮世功勞食與眠季鷹真得水中仙不須更說知幾早且為鱸魚也自賢右張翰干首文章二頃田囊中未有一錢看却因養得能言鴨驚破王孫金彈丸右陸龜蒙

煥靈廟在常熟縣破山唐咸通中所建龍堂也

本朝政和二年賜今額五年加賜宣惠侯

龍堂記禮山林川谷丘陵能生雲為風雨見怪物皆曰神若然者龍亦能為風雨見怪物則其澤之在民厚矣神而祀之又宜矣常熟澤國也風雨怪物日作于民有在其地者苟祀之

至被其利祀之不至民受其禍汝南周君為
 令之初年夏且旱禁其神于破山之上果雨
 以應君曰受其賜徒禁以報不可也於是命
 工以土木介其象為室以蔭之著之於典用
 潔其祀於是風雨時怪物止水旱不為厲連
 歲以穰其神之澤乎君之祀乎凡雩者春秋
 之道皆書之勤民之祀也君為其祠已乞文
 其事日休嘉其為志在民故從之咸通十三
 年二月十九日前攝嶺南東道節度巡官試
 祕書省校書郎皮日休記新建煥靈宣惠侯
 廟記政和二年漕臺以常熟龍祠祈禱感應
 之實聞于朝越明年制曰可宜賜煥靈廟為
 額邑人以爵號未崇無以昭神貺後二年縣
 以狀列于府府言于部刺史遂復保奏焉制
 曰可特封宣惠侯於是縣大夫率佐官祇奉
 休命宣于祠下而邑之士女雲集將退咸告
 丞魯詹曰侯之廟宇君與縣大夫謀之侯之
 封秩君與縣大夫請之今堂宇將畢而綸誥

吳郡卷十三

適班盍記之以修其事惟侯之祠舊在破山
 典福之澗上父老相傳其誕育之異肇自梁
 武之初我宋龍興妙選守令為民師帥太平
 興國中蔣侯文釋來宰是邑距天監幾五百
 歲矣時積潦泛漲躬禱於侯不移晷雲斂而
 霽歲則大獲乃迎侯與聖母之像歸于頂山
 壽聖之西偏是日白龍示見盤旋冢上彩雲
 之瑞焜耀山間迄今又幾一百有四十年矣
 邑人乃相與作廟于山腰龍池之上侯之先
 壟在焉經歷若久之始克成茲豈偶然哉
 侍城峩峩方沼灩灩峰巒疊秀回抱如翼長
 江浩蕩沃野曼衍左則福嶺狼巖右則虎丘
 昆玉遙岑寸碧列岫橫翠雲煙之祥疑在仙
 島氣象之偉實冠吳中觀侯之初以神力遷
 葬而陰陽家流咸謂勝地今新廟奕奕實下
 瞰焉庸詎知其非侯之意哉政和五年十一
 月庚辰既望侯之告下十二月朔廟前後殿
 成若門墉廊廡蓋將有待於來者焉政和五

年十一月日文林郎知平江府常熟縣丞魯磨撰

東嶽廟在常熟縣福山鎮

重修嶽廟記維我宋真宗皇帝東幸泰山

告功于天大修封禪禮泰山之神顯冊褒嘉位號崇隆得非衛社稷福生靈運功烈於冥冥之際宜有所報稱歟是故四方萬里不以道塗為勞往奉祠事往往規模岱嶽立為別廟多矣然未有盛於姑蘇之福山也福山廟經始於至和之中垂六十年樓殿門廊并諸從舍巍然而輪奐江淮閩粵水浮陸行者各自其所有以效歲時來享之誠上祝天子萬壽且以祈豐年以後保其家凡有求必禱焉率以類至號口會社簫鼓之音相屬于道不知幾千萬人不及之乎太山則之福山焉福山臨江海巖巖焉翁鬱岡巒環回殆亦勝地父老云肇祀之日有幅画乘潮水至乃嶽神像也居民得之欽事而加信焉山初號覆釜

吳郡卷十三

六

蓋因其形似後易名福山廟據其上遂為遠邇祈福之地豈偶然哉政和七年八月乙亥鄉貢進士崑山魏邦哲記

陽山靈濟廟在澄照寺傍白龍母廟也無碑碣

可攷有僧祖照者以父老相傳述其事於壁

云東晉隆安中山下居民繆氏家有女及笄

出行風雨暴至天地陡暗避於今所謂龍塘

之側俄有一白衣老人語女曰氏族為誰居

何所女答姓繆指山之西曰我家舍于陽山

三峰之下家有父母老人曰天色如此吾無

所歸。欲假館待旦而前。可乎。女曰。當告父母。老人強之再三。遂首肯。語竟。遽失老人所在。女歸有妊。父母惡之。逐出。丐食鄰里。明年三月十八日。至今所謂龍塚之上。產一肉塊。居民怪之。驚棄水中。倏焉塊破。化而爲龍。天矯母前。若有所告。其母驚絕于地。卽有風雨雷電飛沙折木。咫尺不辨人物之異。旣開霽。但見白龍昇騰而去。衆乃厚葬其母。自後累降巫語。始祠之於山巔。而雨暘失候。祈禱必應。

太平興國間。建廟於山南曹巷。熙寧九年。遷于澄照寺之東隅。建炎間。主僧覺明復一新之。相傳龍子分職瀟湘。每歲是日。必歸山間。風雨淒冷。人以爲龍子誕日。云。過是山中。方有春意。其去也。或變怪之狀。見於雲間。紹興十九年六月某日。犇雲鬣。起于是山。俄頃。盲風驟雨大作。龍自郡城過。捲去女牆數百丈。居人余氏家小亭。吸入雲中。及有負販者。被吸復墮。而無傷焉。又云。昔有白鬚老人至。

鎮江江步買船。自云後長沙來。與船人錢十千。先付五千。餘錢約至蘇州陽山看親處。還登舟。卽令篙工悉睡。日暮抵許市。上岍去。蓋已三百六十里矣。舟人至山下尋覓。值風雨大作。避於廟中。於像前得錢五千。方悟神龍之歸。乃以錢設僧供。辭謝而去。比歲祈龍母。屢應。大吏以聞。紹興二十九年四月。詔賜靈濟廟爲額。乾道四年。告下封顯應夫人。

靈濟廟在府東南。舊五龍堂也。淳熙十年秋大

旱。郡守耿秉卽設廳作祈雨道場。設行雨龍王位於東西序。有蜥蜴見於香案果飭之上。蜿蜒不去。終日雲合。秉以杯玆祈之。若有靈異。已而大雨三日。具以事聞。詔賜靈濟廟爲額。

甫里廟。甫里在長洲縣東南五十里。鄉人祠陸龜蒙於此。至今不廢。

黃姑廟在崑山縣東二十六里。地名黃姑。父老相傳。嘗有牽牛織女星精降焉。女以金篋劃

文粹三景宋抄三

河河水湧溢。今村西有百沸河。鄉人異之。爲立祠。舊列牛女二像。後人去牽牛。獨祠織女。禱祈有應。歲七夕。鄉人醵集廟下。占事無毫釐差。舊有廟記。今亡之。案荆楚歲時記。牽牛謂之河鼓。後人訛爲黃姑。然古樂府有云。黃姑織女時相見。李太白詩。黃姑與織女相去不盈尺。則指牽牛爲黃姑。李後主詩。乃云。迢迢牽牛星。杳在河之陽。粲粲黃姑女。耿耿遙相望。又以織女爲黃姑。事久愈訛矣。

汲古閣

魏

九

吳郡志卷十三 終

夙嚴後亭也。晉書。正。蓋刊于虞山。極古閣。